




Vedtatt i styremøte
Helse Vest RHF den
11. februar 2026

Styringsdokument 2026

Helse Vest IKT AS

1. Innleiing.....	2
1.1 Overordna føringar.....	2
1.2 Nye dokument som skal leggst til grunn.....	3
1.3 Regionale planar, rapportar og fagnettverk i føretaksgruppa Helse Vest	4
2. Spesifikt styringsbodskap til Helse Vest IKT AS	4
2.1 Oppdrag	4
3. Riksrevisjonen sine undersøkingar	8
3.1 Oppdrag	8
4. Oppdrag frå Helse- og omsorgsdepartementet til Helse Vest RHF der Helse Vest IKT AS kan bli bedne om å bidra.....	8
4.1 Oppdrag	8
5. Ressursgrunnlag og finansieringsmodell	11
5.1 Finansieringsmodell	11
5.2 Balansekrav	11
6. Oppfølging og rapportering	11
6.1 Månadleg rapportering.....	12
6.2 Årleg melding	12
6.3 Årsrekneskap og årsberetning.....	12
Vedlegg 1 Nye dokument som skal leggst til grunn	13

1. Innleiing

Gjennom styringsdokumentet gir Helse Vest RHF Helse Vest IKT AS styringsoppdrag for 2026. Styringsdokumentet klargjer premissane og rammene som gjeld for verksemda, og inneheld mål, oppdrag og resultatkrav. I styringsdokumentet har ein vald å legge vekt på dei oppdraga der Helse Vest IKT AS skal bidra aktivt. Kapittel 4 listar opp utvalde oppdrag som Helse Vest RHF har fått, men som i utgangspunktet ikkje blir vidareført til Helse Vest IKT AS.

Helse Vest IKT AS må gjere seg kjend med dei overordna føringane og styringsbodskapet i oppdragsdokument til Helse Vest RHF for 2026, krav i føretaksprotokollar i 2026, og styringsdokumenta til helseføretaka for 2026.

1.1 Overordna føringar

Topp 5 risiko

Føretaksgruppa Helse Vest har valt ut fem risikoområde som skal ha ekstra merksemd dei kommande åra. Målet er å betre – og ta meir aktivt grep om – risikostyringa, og styrke regionalt samarbeid og læring. Helseføretaka skal bidra aktivt inn i områda.

Dei gjeldande topp 5 risikoområda er:

- Auka kompetanse innan beredskap
- Nytte av digitalisering
- Legemiddelområdet
- Uønskt variasjon og prioritering
- Behalde og rekruttere medarbeidarar, samt auke jobbnærvær

Strategi og styringsstruktur for digitalisering i Helse Vest

Ny styringsstruktur for digitalisering blei etablert frå 2024. Ei felles regional organisering for digitalisering er eit viktig grep for å sikre kontinuerleg arbeid med forenkling og forbetring av eksisterande arbeidsprosessar og IKT-løysingar. Basert på erfaring med organiseringa over noko tid vil det no bli gjort enkelte tilpassingar knytt til ansvarsfordeling. Organiseringa vil bli vidareført for prioritering og rammetildeling og skal i tillegg bidra med realisering av gevinst/nytte i helseføretaka. Helse Vest IKT AS vil få eit tydelegare ansvar for gjennomføring av prioriterte behov, og dette skal gjerast i tett samarbeid og dialog med digitaliseringsstrukturen og sjukehusa. Helseføretaka har eit særskilt ansvar for å realisere nytte/effekt av moglegheita for forbetring av arbeidsprosessar og ta i bruk og nytte nye IKT-løysingar/oppgraderte løysingar, sjå avsnittet nedanfor. Helseføretaka og Helse Vest IKT AS må ha ein tydeleg plan for realisering som blir gjort kjent for styra.

Strategi for digitalisering i Helse Vest blei revidert i november 2025. I oppfølginga av strategien skal Helse Vest IKT AS og helseføretaka legge konkrete planar for korleis dei betre kan ta i bruk potensialet i dei løysingane som allereie finst, og korleis gevinstane kan bli realisert. Som

hovudregel skal det nyttast felles standardiserte løysingar på tvers av helseføretaka i regionen. Der ein kan utvikle like rutinar/prosessbeskrivingar, skal dette skje på eigna måte og vere tilgjengeleg for leiarar og medarbeidarar. Bruk av digitale løysingar skal bidra til å redusere vekst i personellbehov.

Helse Vest IKT AS og helseføretaka skal vidareføre innsatsen med å utnytte dei digitale løysingane. Særleg skal Helse Vest IKT AS og helseføretaka sørge for at dei IKT-løysingane som er tilgjengelege blir nytta best mogleg, og ta i bruk nye løysingar som bidrar til å bevare kvalitet, auke pasientsikkerheit og kunne handsame fleire pasientar med same bruk av ressursar.

Relevante oppdrag i styringsdokumentet innanfor digitalisering vil bli fylgt opp gjennom styringsstrukturen for digitalisering. Oppdraga er av den grunn tekne med i styringsdokumenta til både Helse Vest IKT AS og helseføretaka.

Oppfølging av styringsbodskap

Fleire av oppdraga til Helse Vest RHF i oppdragsdokument og føretaksprotokollar må gjennomførast på regionalt og/eller interregionalt nivå. Det er likevel forventa at Helse Vest IKT AS medverkar og/eller deltar i oppfølging når dette er nødvendig. Helse Vest RHF vil i desse tilfella komme tilbake med nærmare informasjon om medverknad/oppfølging.

Mange av dei oppdraga som er gitt i tidlegare års styringsdokument vil framleis krevje oppfølging utan at dei er spesielt nemnde i styringsdokumentet for 2026. Sjølv om det ikkje blir stilt krav om rapportering for desse områda, vil status for arbeidet kunne bli etterspurt i oppfølginga av selskapet.

I løpet av 2026 vil det kunne komme supplerande eller nye styringskrav. Desse vil bli gitt selskapet i generalforsamling eller i form av eigne brev, og vil ikkje medføre at dette dokumentet blir revidert. Det er likevel viktig at desse krava blir integrert i styrings- og rapporteringssystema.

Deltaking i og oppfølging av regionale prosjekt

Når Helse Vest IKT AS blir bedd om å delta i regionale prosjekt, skal selskapet etter avtale stille nødvendige ressursar til disposisjon for å gjennomføre prosjekta.

Helse Vest RHF legg til grunn at Helse Vest IKT AS skal følge opp tiltak i rapportar og andre resultat frå regionale arbeid og rapportere på tiltaka i samsvar med det som blir fastsett.

1.2 Nye dokument som skal leggst til grunn

[Vedlegg 1](#) gir ei oversikt over utvalde nye rapportar, planar mv. som skal leggst til grunn der det er relevant for Helse Vest IKT AS. Dette er ikkje ei uttømmende oversikt, men meint som ei hjelp for å få oversikt over nye dokument, med lenker til desse.

1.3 Regionale planar, rapportar og fagnettverk i føretaksgruppa Helse Vest

Oversikt over gjeldande regionale planar i Helse Vest finst på internettsida [Planar, mål og strategiar](#). Helse Vest IKT AS skal vere kjende med og følge dei regionale planane, fagplanane og delstrategiar som er relevante for selskapet.

[Rapportar i Helse Vest](#) gir oversikt over rapportar som er viktige kunnskapsgrunnlag for føretaksgruppa.

Følgande intranettside listar opp fagnettverk i føretaksgruppa Helse Vest: [Regionale fagnettverk i Helse Vest](#). Helse Vest IKT AS bidreg i fagnettverka der det er relevant.

2. Spesifikt styringsbodskap til Helse Vest IKT AS

Helse Vest IKT AS skal sørge for trygg og god forvaltning og drift av den samla systemporteføljen i føretaksgruppa. Helse Vest IKT AS skal vere ein bidragsytar med sikte på ytterlegare samordning av IKT i føretaksgruppa.

Leveransane frå Helse Vest IKT AS skal gi auka kvalitet, auka effektivitet, auka kompetanse og betra sikkerheit. Konkrete forventningar til leveransane frå Helse Vest IKT AS går også fram av gjeldande [Tjenesteavtaler \(SLA\)](#).

Helse Vest IKT AS skal i løpet av 2026 ferdigstille arbeidet med ny organisering, og gjennom denne ta ansvar for gjennomføring av prioriterte behov i digitaliseringsstrukturen. Dette ansvaret må utøvast i tett samarbeid med dei ulike områda og sjukehusa.

Helse Vest IKT AS skal medverke til at system- og prosesstøtte heng godt saman, og vidareutvikle ein heilskapleg arkitektur, både for teknologi og infrastruktur, system og tilknytta arbeidsprosessar. Dette skal danne grunnlag for eit godt endrings- og gevinstarbeid i helseføretaka.

2.1 Oppdrag

Nr.	Tittel	Oppdrag
01	Vidareutvikle tenester og infrastruktur	Helse Vest IKT AS skal sikre stabil drift og gode tenester til brukarane i Helse Vest, mellom anna: ○ Gjennomføre utskifting av IKT-infrastruktur i tråd med investeringsbudsjettet, for å oppretthalde funksjonalitet og kvalitet for infrastrukturen. ○ Fullføre innføring av programvaredefinert datasenter og nettverk, og etablere ein robust hybrid sky-

		arkitektur der privat og offentlig sky skal kunne fungere som ein samanhengande plattform. ○ Fortsette arbeidet med mikrosegmentering i medisinsk-tekniske og tekniske nettverk, for dei delane av nettverka som støttar dette. ○ Vidareutvikle ein effektiv forvaltningsmodell for å handtere innføring og drift av mobile einingar og applikasjonane som skal brukast på desse.
02	Rask pålogging til IKT-system og tilgang til bygg	Helse Vest IKT AS skal i løpet av 2026 leie arbeidet med å etablere og innføre ei ny løysing for raskare pålogging til IKT-system. Den nye løysinga skal anskaffast tidleg i 2026 og bidra til å forbetre både IKT- og fysisk adgangskontroll. Dette er eit effektiviseringstiltak som er sterkt etterspurt blant klinisk personell, og som vil kunne frigjere unødig tidsbruk. Helseføretaka og Helse Vest IKT AS må saman bidra til ei effektiv innføring av nye ID-kort som blir eit grunnlag for å ta i bruk den nye løysinga. Nye ID-kort som blir anskaffa skal nyttast som sikkerheitsnøkkel til IKT-pålogging og som standard adgangskort til bygg.
03	Pasienten si legemiddelliste	Helse Vest IKT AS skal i samarbeid med helseføretaka bidra til at pasientens legemiddelliste blir tatt i bruk i helseføretaka.
04	Pasienten sitt prøvesvar	Dei regionale helseføretaka skal i 2026 utvide med fleire rekvirentar og fagområde, og minimum inkludere prøvesvar rekvirerte for eigna polikliniske pasientar. Helse Vest IKT AS og helseføretaka skal bidra i arbeidet.
05	Felles plan 2026	Helse Vest IKT AS og helseføretaka skal bidra til dei regionale helseføretaka si rapportering på oppdraga om digital samhandling og helsedata i oppdatert Felles plan 2026. Dei regionale helseføretaka skal innan 15. september 2026 legge fram eit første utkast til felles plan, og innan 15. oktober 2026 levere endeleg utgåve. Felles plan skal innehalde ein overordna plan for korleis kvart samhandlingsområde skal realiserast i heile satsingsperioden og ei oversikt over planlagde oppgåver det etterfølgjande året. Helse Sør-Øst RHF, Helse Vest RHF og Helse Nord RHF blir bedne om å skildre felles strategi og tiltak der det er relevant. Oppdraga om medisinskteknisk utstyr og IKT-utvikling i kap. 4 skal inngå i rapporteringa.

06	Ta i bruk digitale løysingar	Helse Vest IKT AS og helseføretaka skal så snart som praktisk mogleg ta i bruk regionale IKT-løysingar/digitale løysingar, og følge opp at desse blir brukt i alle einingar. Helse Vest IKT AS og helseføretaka skal legge konkrete planar for korleis dette blir gjort, og legge fram planane for eget styre. Som hovudregel skal ein nytte felles standardiserte løysingar på tvers av helseføretaka i regionen. Bruk av digitale løysingar skal bidra til å redusere vekst i personellbehov.
07	Prioritering av beredskapsarbeid	Den sikkerheitspolitiske situasjonen krev at helseføretaka prioriterer beredskapsarbeidet høgt. Helse Vest IKT AS og helseføretaka må sørge for at beredskapsplanar er utarbeidd, kjent og øvd. I samanheng med dette må Helse Vest IKT AS og helseføretaka følge opp tilrådingane i internrevisjonen sine rapportar "Beredskap i Helse Vest" og "CBRNE-beredskap i Helse Vest". Det må vere planar for korleis sikre rask og presis informasjon både internt og eksternt ved beredskap.
08	Planar for handtering av bortfall av straum, vatn og ekom	Helse Vest IKT AS og helseføretaka skal etablere planar for å kunne handtere hendingar som medfører langvarig (minimum 7 dagar) bortfall av straum, vatn og ekom.
09	Regional handlingsplan for informasjonssikkerheit	Regional handlingsplan for informasjonssikkerheit skal evaluerast og reviderast årleg innan 15. april. Helse Vest IKT AS og helseføretaka skal bidra i arbeidet, følge opp tiltaka og delta i regionalt samarbeid. Forbetningsarbeid knytt til handlingsplanen skal følge opp trendar, utvikling og funn frå revisjonar, teknologiutvikling og hendingar internt og eksternt.
10	Prosjekt for forenkling og forbetring	Dei regionale helseføretaka skal vurdere og implementere tiltak for forenkling og forbetring. Helse Vest sin del er 37,316 mill. kroner. Helseføretaka skal rapportere tiltak svarande til eit effektiviseringskrav på: Helse Stavanger HF 6,8 mill. kroner, Helse Fonna HF 3,4 mill. kroner, Helse Bergen HF 9,4 mill. kroner, Helse Førde HF 2,7 mill. kroner. Helse Vest RHF sin del av dette utgjør 15 mill. kroner. Helse Vest RHF legg til grunn at også Helse Vest IKT AS implementerer tiltak for forenkling og forbetring. Arbeidet skal både gje effekt i 2026, men også førebu tiltak for 2027 og 2028. Det skal gjennom forenkling og forbetningsarbeid frigjerast ressursar til investeringar i medisinsk-teknisk utstyr og KI-løysingar. Føretaksgruppa Helse Vest skal rapportere på reduserte kostnader til konsulenttenester tilsvarande 19,2 mill. kroner i årsrekneskapen for 2026. Helseføretaka og Helse

		Vest IKT AS blir bedne om å redusere bruken av konsulenttenester i 2026.
11	Spesialisthelsetjenestens felles klima- og miljømål	Helse Vest IKT AS og helseføretaka skal bidra til å nå spesialisthelsetenesta sine felles klima- og miljømål gjennom systematisk reduksjon av unødvendig forbruk, meir ombruk og materialgjenvinning. Helseføretaka skal ha ein plan for korleis nå klimamål om 40 % reduksjon av eige karbonutslepp.
12	Lærlingar	Helse Vest IKT AS skal legge til rette for å auke tal lærlingar i åra framover.
13	Bierverv	Helse Vest IKT AS og helseføretaka skal sikre etterleving av regionale retningslinjer for bierverv. Helseføretaka skal ha ei årleg påminning på intranett, og bierverv skal vere del av medarbeidersamtalar, i tråd med tidlegare stilte krav og etablerte rutinar.
14	Leiarløn	Helse Vest IKT AS og helseføretaka skal, med utgangspunkt i <i>Rapport om lønn og annen godtgjørelse til ledende personer</i> , framstille ei årleg samla oversikt over utvikling av løn for leiande tilsette, og korleis føringane om moderasjon er ivaretatt.
15	Regionalt løn- og rekneskapsenter	Helse Vest IKT AS og helseføretaka skal bidra i arbeidet med å opprette felles organisatorisk eining som skal levere løn- og rekneskap til alle føretaka i Helse Vest. Det skal etablerast ei heilskapleg løysing for effektivisering av løns- og rekneskapsfunksjonen, inkludert prosessoptimalisering, automatisering, datakvalitet og organisering. Målet er å redusere kostnader, sikre kvalitet, kompetanse, og bemanning, samt frigjere tid til andre prioriterte oppgåver.

3. Riksrevisjonen sine undersøkingar

Helse Vest IKT AS og helseføretaka blir bedne om å følge opp Riksrevisjonen sine hovudfunn, vurderingar og tilrådingar frå aktuelle undersøkingar.

3.1 Oppdrag

Nr.	Tittel	Oppdrag
16	Dokument 3:3 (2025–2026) Bruk av teknologi for å flytte spesialist- helsetenester nær pasienten	Helse Vest IKT AS og helseføretaka skal følge opp Riksrevisjonen sine hovudfunn, vurderingar og tilrådingar.

4. Oppdrag frå Helse- og omsorgsdepartementet til Helse Vest RHF der Helse Vest IKT AS kan bli bedne om å bidra

Nokre av oppdraga Helse Vest RHF har mottatt frå Helse- og omsorgsdepartementet blir ikkje direkte vidareført til Helse Vest IKT AS, men bør likevel vere kjende for selskapet. Helse Vest IKT AS kan gjennom året bli bedne om å bidra i arbeidet med desse oppdraga, etter nærare førespurnad.

I 2026 gjeld dette følgande oppdrag:

4.1 Oppdrag

Nr.	Tittel	Oppdrag
17	Digitalt helsekort for gravide	Helse Sør-Øst RHF har ei leiarrolle på vegner av helseregionane, og skal i løpet av 2026 ferdigstille utvikling og utprøving av digitalt helsekort for gravide, og bidra i innhenting av læring og erfaring som kan vidareutvikle tenesta. Dei regionale helseføretaka skal starte utprøving og innføring av digitalt helsekort for gravide innan utgangen av 2026. Målet er at løysinga er teken i bruk i heile landet i 2027.
18	Pasienten sine journaldokument	Helse Sør-Øst RHF skal på vegner av helseregionane ha ei leiarrolle i arbeidet med å legge til rette for at avtalespesialistar deler relevante journaldokument med helse- og omsorgstenesta.

Nr.	Tittel	Oppdrag
19	Helsedata-forordninga (EHDS)	Helse Sør-Øst RHF skal på vegner av helseregionane ha ei leiarsrolle i arbeidet med å førebu nødvendige tiltak og aktivitetar, og legge til rette for samarbeid med Helsedirektoratet, Folkehelseinstituttet, Norsk helsenett SF og andre relevante aktørar i samband med innføring av helsedataforordninga. Relevante område som må vurderast i arbeidet er knytte til helsedatatilgangsforvaltar (HDAB) og datainnehavarar, innbyggjarar sine rettar om tilgang til og kontroll over eigne helseopplysningar, under dette også konsekvensar for regionane sitt arbeid med digital samhandling, pasientjournalssystem, sjølvhjelpsverktøy osv.
20	Kodeverk, terminologi og standardar – overgang til ICD-11	Dei regionale helseføretaka skal kartlegge konsekvensar av overgang til ICD-11 som diagnosekodesystem på dei områda der ein i dag brukar ICD-10 kodesystem. Kartlegginga skal følge Helsedirektoratet sin tilrådde plan for overgang til ICD-11.
21	Satellittbasert teknologi	Dei regionale helseføretaka skal kartlegge eigne avhengnader til satellittbasert teknologi og konsekvensar ved bortfall. Kartlegginga skal omfatte avhengnad til posisjon, navigasjon og korrekt tid, då særleg i kritisk infrastruktur.

Nr.	Tittel	Oppdrag
22	Medisinsk-teknisk utstyr og IKT-utvikling	Dei regionale helseføretaka skal sikre at det i perioden 2026–2029 blir brukt minst 3 mrd. kroner årleg på medisinskteknisk utstyr (MTU) og KI-løysingar i spesialisthelsetenesta. Det blir lagt til grunn at ein skal oppnå dette innanfor den til ei kvar tid gjeldande økonomiske ramma, at det skal vere i tråd med prinsippa for prioritering og dei føresetnadene som er lagde til grunn for vinstrealisering gjennom effektivisering av drift. Det blir føresett at brukarane blir involverte aktivt i arbeidet med val og implementering av løysingar. Dei regionale helseføretaka skal: - prioritere teknologi som frigjer tid og kapasitet hos personell, med særleg vekt på løysingar som gjev dokumentert effekt. KI-verktøy skal takast i bruk ved alle sjukehus, og i 2026 skal tale-til-tekst-løysingar implementerast. - Sikre effektiv tilpassing og breidding/skalering av digitale løysingar for å realisere potensialet frå tidlegare investeringar, og legge til rette for kontinuerleg innføring av ny funksjonalitet. - Greie ut tiltak for å forenkle og forbetre innkjøpsprosessar og raskare kunne ta i bruk ny teknologi. - Legge til rette for eigenutvikling av løysingar der det ikkje finst gode alternativ i marknaden, i eigen regi eller i samarbeid med helsenæringa. Det skal rapporterast i Felles plan 15. oktober og i årleg melding. Det blir vist til Akseleratorprogrammet i regi av Innovasjon Norge, som skal bidra til at helsenæringa utviklar løysingar som understøtter og treff tenestene sine behov. Det blir lagt til grunn at dei regionale helseføretaka bidrar i utviklinga og overgangen til skybaserte løysingar for å møte auka lagringsbehov, bidra til skalerbarheit, samt ivareta nasjonal kontroll og sikkerheit for helsedata.

5. Ressursgrunnlag og finansieringsmodell

5.1 Finansieringsmodell

Finansieringa av selskapet er basert på ein prismodell der det er samanheng mellom aktivitet og kostnader.

Helse Vest IKT AS skal:

- vidareføre/kvalitetssikre arbeidet med ein prisingsmodell som gir god samanheng mellom aktivitet og kostnader i selskapet.

5.2 Balansekrav

Helse Vest IKT AS skal:

- sørge for at kostnadsrett prising av tenestene inkluderer rett fordeling mellom dei ulike tenestegruppene.
- gjennom god verksemdstyring medverke til at det blir samordningsgevinstar i føretaksgruppa.

Resultatkravet for Helse Vest IKT AS for 2026 er fastsett til 1 mill. kroner.

I føretaksmøtet 13. januar 2026 blei det beslutta at Helse Vest RHF får høve til å nytte samla sett 1 344 mill. kroner frå premiefond til å betale pensjonspremie i 2026. Vidare blei det beslutta at driftskredittramma blir sett ned med 650 mill. kroner frå 3 066 mill. kroner til 2 416 mill. kroner. ved utgangen av 2026. Helse Vest IKT AS har inga driftskredittramme, men det blir lagt opp til at det blir nytta 13,962 mill. kroner av pensjonspremiefond til å betale pensjonspremie i 2026.

6. Oppfølging og rapportering

Det er eit mål å ha gode og gjennomgåande system for å kunne følge opp utviklinga i tenestene, og det er etablert eit system for rapportering for å sikre dette.

Så langt det er mogleg vil automatiske datainnsamlingsrutinar bli nytta i samband med rapportering for å redusere rapporteringsbyrda for helseføretaka, som til dømes datainnsamling frå nasjonale eller regionale løysingar.

Helse Vest IKT AS har i tillegg eit ansvar for å melde frå til eigar om vesentlege avvik jamført med planlagd målsetjing. Dette gjeld òg eventuelle avvik frå framdriftsplanen og kostnadsramma for større prosjekt. Helse Vest RHF minner òg om tidlegare eigarkrav, som framleis er gyldige for verksemda utan at dei er særskilt omtalte, eller at det er stilt krav om rapportering i 2026.

6.1 Månadleg rapportering

Etablert praksis for månedleg rapportering frå verksemda blir vidareført i 2026, og skjer etter dei tidsfristar som er kommunisert til helseføretaka i økonomihandboka.

Rapporteringa skjer hovudsakleg gjennom rapportar i Styringsportalen/regionale datavarehusløyisingar. I tillegg skal mellom anna kommentarar knytt til økonomisk utvikling og status på eventuelle korrigerande tiltak rapporterast. Økonomirapportar skal behandlast av styra så raskt det lèt seg gjere, slik at eventuelle korrigerande tiltak kan bli sette i verk utan unødig opphald.

Eigar har stilt krav om rekneskapsføring etter felles prinsipp i helseføretaksgruppa. Det er utarbeidd ei felles nasjonal rekneskapshandbok for utarbeiding av rekneskapen.

6.2 Årleg melding

I medhald av § 34 i helseføretakslova skal Helse Vest RHF sende ei årleg melding til Helse- og omsorgsdepartementet innan 15. mars 2027.

Helse Vest IKT AS skal sende ei tilsvarende årleg melding til Helse Vest RHF. Fristen for årleg melding er **15. januar 2027**. Meldinga er med på å danne underlag for Helse Vest RHF si melding til departementet. Det skal rapporterast på mål og oppdrag for 2026 i styringsdokumentet. For oppdrag som går fram av kapittel 4 skal det berre rapporterast på dei oppdraga der det er relevant. I løpet av hausten 2026 vil det bli sendt ut ein mal for årleg melding som Helse Vest IKT AS skal bruke.

6.3 Årsrekneskap og årsberetning

Heile føretaksgruppa skal legge fram rekneskap og årsberetning i medhald av rekneskapslova. I økonomihandboka er det sett eigne fristar for gjennomføring av årsoppgjeret.

Vedlegg:

1. Nye dokument som skal leggst til grunn (følger frå neste side)

Vedlegg 1 Nye dokument som skal leggst til grunn

Dette er ei oversikt over utvalde nye rapportar, planar mv. som skal leggst til grunn der det er relevant for Helse Vest IKT AS. Dette er ikkje ei uttømmende oversikt, men meint som ei hjelp for å få oversikt over utvalde nye dokument.

Nasjonale dokument

- [Meld. St. 21 \(2024–2025\): Helse for alle – Rettferdig prioritering i vår felles helsetjeneste](#)
- [Felles innsats mot kreft. Nasjonal kreftstrategi \(2025 – 2035\)](#)
- [Bedre helsehjelp – flere gode år \(2025–2033\)](#)
- [Nasjonal helseberedskapsplan](#) (revidert 2025)

Interregionale dokument

- Felles regional blodberedskapsplan
- Plan for interregional samordning og koordinering av spesialisthelsetjenesten i krig
- [Nasjonale pasientsikkerhetsindikatorer i spesialisthelsetjenesten \(styresak\)](#) med [vedlegg 1](#) og [vedlegg 2](#)
- [Bærekraftig utvikling for abiok-sykepleiere, jordmødre, sykepleiere og helsefagarbeidere. Modige valg og tiltak](#)
- [En helhetlig plan og konkrete tiltak for tidlig tilpasning av høreapparat og gode pasientforløp i hørselsomsorgen](#)
- Fristbrudd – tiltak for å sørge for at pasienten får time innen frist: [Metodebok](#)
- [Tiltak for å redusere overforbruk og uønska variasjon i radiologitenester i Noreg](#)
- [Variasjon i bruk av laboratorietenester](#)
- [Rapport fra nasjonal arbeidsgruppe - Integrert ettervern](#)

Regionale dokument

- [Rammeverk for verksemdstyring i Helse Vest](#)
- [Regionalt rammeverk for pasienttryggleik \(2025-2029\)](#)
- Nye regionale delplanar tilhøyrande regional helseberedskapsplan for Helse Vest:
 - Regional delplan for pandemiberedskap
 - Regional delplan for beredskapskommunikasjon
 - Regional delplan for beredskapsmessig personellplanlegging
- [Ekstern Turnover - Faktabasert kunnskapsgrunnlag - Et viktig grunnlag for de rette tiltakene](#)
- [Etablere bærekraftig utvikling for intensivsykepleie. Hva kan vi gjøre for å dekke framtidig behov for intensivsykepleierkompetanse på en bærekraftig måte?](#)
- [Bærekraftig utvikling av kompetanse og kapasitet i psykisk helsevern og TSB](#)
- [Bærekraftig utvikling for fødekapasitet på Vestlandet](#)
- [Bærekraftig utvikling for ambulansetjenesten i Helse Vest](#)
- [Bærekraftig radiologi på Vestlandet](#)
- Regionale rapportar som blir ferdigstilt i løpet av 2026